

Santa Trinita.

Sier Orsato Zustignan, *quondam* sier Polo.
 Sier Batista Valier, *quondam* sier Hironimo.
 Sier Bortolo Darmano.
 Sier Marco Savina.

Santo Antonim.

Sier Piero Morexini, *quondam* sier Zuane.
 Sier Marco Dandolo, *quondam* sier Fortim.
 Sier Francesco de Gasparin, da la zecha.
 Sier Hironimo de Francesco, gastaldo in zecha.

173

Santa Maria Formoxa.

Sier Piero Mudazo, *quondam* sier Marco.
 Sier Nicolò Salamon, di sier Michiel.
 Sier Matio Alchier.
 Sier Jacomo Dolze.

San Biagio.

Sier Bernardo Navajer, *quondam* sier Andrea.
 Sier Vicenzo Cabriel, *quondam* sier Bertuzi, el cavalier.
 Sier Raphael Penzom.
 Sier Zuan de Bartole, gastaldo in zecha.

San Sovero.

Sier Andrea Contarini, *quondam* sier Pandolfo.
 Sier Domenego Ruzini, *quondam* sier Ruzier.
 Sier Bortolo di Francesci.
 Sier Constantin Zucuol.

San Pruovolo.

Sier Jacomo Marzello, *quondam* sier Zuane.
 Sier Marco Zen, *quondam* sier Francesco.
 Sier Hironimo Armano, gastaldo di San Zacaria.
 Sier Piero de Zuan, era strazaruol.

San Piero di Castello.

Sier Vincivera Querini, *quondam* sier Pelegrin.
 Sier Homobon Griti, *quondam* sier Batista.
 Sier Domenego Galimberto, o
 Sier Thomà Duodo.
 Sier Filippo Brocheta.

Item, li 12 deputati sopra li sestieri, di hordine di la Signoria et consejo di X, mandono li do zentilomeni et do popolari per le contrade, et lhoro medemi andavano a far la description di forestieri, maxime milanesi, bergamaschi et brexani, e *dextro modo* li fevano comandamento andaseno via, *sub poena etc.*

Item, fo terminà mandar 300 fanti in Cao d'Istria, li qual fono fati soto Michiel Zanchò e altri, che feno la mostra a San Zacharia.

Noto. Di la galia dil ducha di Nicksia, cugnado de sier Antonio Loredam, *quondam* sier Matio, a Trieste seguite, che l'amazò quasi dito duca il suo comito, zoè lo ferite, im pizuol, perchè li vene fantaria di levarsi e far altri inconvenienti, per esser diventà mato; e li galioti voleano darsi al turco e non voleano più questo per signor. Or, venuta la galia in questa terra, esso ducha fo messo a San Michiel di Muran con custodia, et la galia rimase a sier Antonio e poco poi montò in galia e si parti.

Di Lignago. Se intese, per sier Hironimo da Canai, *quondam* sier Zuane, venuto, come a di ... fo li il conte Federico di San Bonifacio, et dimandò quel loco per nome dil re di romani, zoè di l'imperio; e li citadini si fonno contenti darsi, e in San Francesco cantono una messa et levono l'aquila; et sier Hironimo Lipomano, provedador, si parti. *Etiam* ebbono la rocha, era castelan sier Pollo Trivixan, *quondam* sier Andrea, qual ussite; et venendo di qua di l'Adexe, quelli di Porto li fonno a l'incontro, non si volendo partir di San Marco, tolseno termine a rendersi, e poi levono *etiam* lhoro l'aquila, et sier Thadio Contarini, castelan, si parti et vene in questa terra.

Di Piove di Sacho. Eri il podestà, sier Hironimo Donado, vene via, licentiatò da quelli citadini; et vene li podestà, per padoani, Nicolò di Ruberti, citadin padoam.

Di Padoa. Se intese nove, per barche vien di là et altri, di una cria fata, eri, che tutti vadino inanzi e indrio senza dubio alcuno.

Item, che eri sera, e il dì, fo messo a sacho molte caxe di zentilomini e citadini et tal quasi ruinate, zoè quella di Amai, fuora la porta di San Zuane.

Item, hano fato crie non si biastemi *etc.*

Item, ozi matina feno una cria, che tutti quelli, hanno tolte robe di venetiani, le debino portar doye le hanno tolte, im pena di la forcha; et mandano a tuor le possession in nota *etc.*

Item, esser intrato li domino Leonardo da Dremano, vicentino, vestito a la todesca, con una vesta di veludo negro, listada d'oro, e uno scufion d'oro